


365

rrëfenja para gjumit



libri i parë

Ilustroi: Guillaume Trannoy
Përktheu: Diana Çuli dhe Virgjin Muçi
Redaktoi: Maklena Çabej



Aeditons

www.arbaeditons.com

Janar

02-03-04-05-06-07-08-09-10-11-12-13-14-15-16-17-18-19-20-21-22-23-24-25-26-27-28-29-30-31

Dita e Vitit të Ri.

– Gëzuar Vitin e Ri! Gëzuar dhe shëndet e mbarësi!

Pylli i Mrekullive oshëtin që pa gdhirë nga këto urime.

Të gjitha kafshët i urojnë njëra-tjetrës një vit të ri sa më të mbarë.

Ato e godasin njëra-tjetrën me putër, përqafohen dhe shkëmbejnë dhurata.

– Ah, – thonë vetmevete, – sikur edhe njerëzit të sillen kështu, në vend që të bëjnë luftë, atëherë Toka do të ishte një parajsë e vërtetë!



02

Të nesërmen e ditës së festës.

Shët! Ejani të hyjmë pa u ndjerë në strofullën e dy marmotave.

Pa shihni se si po flenë, mbështjellë me gëzofin e tyre bojëkafe... Eh... Po gërhasin për shtatë palë qejfe; u lëvizin vetëm qimet e mustaqeve.

Po ç'ëndërr shohin, vallë? Oh! Ehu... me gjithë këto shishe të zbrazura përtokë!

Po gjithë këto pjata të palara dhe ushqime të shpërndara andej-këndej?... Ah, e kuptova!

Dje, marmotat kanë festuar vitin e ri dhe sot... po çlodhen.

E kush tha se marmotat ia marrin me gjumë gjatë gjithë dimrit?



03

Byreku i lepurit.

Aleksi, lepurushi i vogël që e shkon jetën në galeritë e nëndheshme, ishte shumë i lumtur buzë pyllit që ndodhej pranë fermës. Kur erdhi dimri, ushqimi mezi gjendej dhe Aleksi ndihej i uritur. Ai bëri zemër dhe shkoi te ferma, ku takoi tre lepurushë të bardhë, që po hanin në shoqërinë e pulave. E ftuan të hante me ta dhe ai u kënaq shumë nga dreka që hëngri.

– Qëndro me ne, – i thanë tre lepurushët. – Do ta shikosh vetë se sa mirë kalohet këtu dhe sa qejf bëhet.

Aleksi kaloi vërtet disa ditë të paharrueshme në fermë, por, kur e pyeti qenin se çfarë ushqimi po hante, rojtari i fermës iu përgjigj:

– Byrek me mish lepur, or mik.

Një dhuratë e vërtetë.

Aleksi ia mbathi me të katra dhe nuk u kthye më kurrë në atë vend.

